

惜分陰軒醫案卷四例言

一每方存根事屬繁瑣茲編門診至愈期總留一藥出診將愈之先假錄竣而郵壁原主故方多一如其舊屬詞支離佶屈辭牙不遑脩也

一時疫溫病與內傷調理各錄一冊總錄時略分前後不分門類隨筆錄臚並未屢易其稿故不免錯字有外診疑難大症歸而筆記略而不詳以此

一病家貧富不一鄉野重巫城人輕躁求速效則同及已愈或不注意遠後有自行食療者有病愈後復患別恙不治者此集知者均瑣載存其真也

一伏暑夾積濁留戀忌直攻宜緩導而以濁滯得洩爲病易解惟虛人治實礙虛最易傷氣陰病解而有脫竭之徵卷三案中已有數症顧其本體而效茲編如蕭陳氏李泉室之伏暑吳森奎子之暑厥怡昆子之霍亂等是治法以顧氣陰者遠祖葉吳二氏近誦黃樂亭醫案實驗確鑿例得附識

一外感時疫胥視病者之元氣而定其愈否已未之霍亂以熱閉爲多倖愈其

起卽浴汗載無力以言率多脫竭辛酉秋仲蔣伯豪房後霍亂瀉如米泔
肢冷額汗冷載眼脈細如伏四肢不收決其不起勉與回陽救急去瀉去瀉加雞
內金伏龍肝外治以來復丹封臍其父不用參雖回暖而氣嘶竟脫以見重
症危險元氣不克支持如是

一治症須視其可愈許治必怕事不耐煩審問此集陳腐妻之小產瘰癧冒險
詳前設法圖愈後變方有益李泉室吳森奎子皆是勉擬挽回惟前輩王旭
高氏尙訪病者未愈令其復診以竟其愈此則德不足以副之輒近難於仿
行而可盡心爲之如李泉室勞婉勸峻補而起逾年孕育誠字之效

一診治貧病較多無糧之師利於速戰而督促之殷要在速效或一方兼具復
法信任得效可竟痊功雖屬繁瑣可備一格因世間實有雜合症昧者每謂
治其本證係屬扼要但多不應治宜兼籌並顧已有實驗均前賢成法也

無錫周鎮小農別署伯華謹識

惜分陰軒醫案卷四序

醫者理也學理深邃千變萬化賴以養生濟世變理調和爲學術最精之科爲政治最要之務與人種之強弱國勢之盛衰極有關係故范文正公有不爲良相爲良醫之語也曠觀今世若都會若商埠若城市若村鎮以醫爲業者實繁有徒而以良醫稱者竟寥若晨星推原其故一因吾國數千年來傳述之醫書汗牛充棟莫衷一是如傷寒金匱陳義奧古千金外臺選方繁博金元四大家或偏攻偏補或偏寒偏溫門戶各分師承無自一因近世市僧者流昧於醫道之精微以爲最易學步謀利之淵藪也薙取皮毛卽懸壺市街其遺誤民命真可慨嘆此歐風美雨所以乘隙而人也紹興裘吉生君有志活人思保國粹惘乎我國醫道式微思所以挽救之糾合同志創設醫藥學報社搜羅名著彙刊叢書吾邑周小農先生所著惜分陰軒醫案亦得以行世其第一二三卷早已膾炙人口遐邇傳誦矣眾於癸丑秋抱腫脹症危在旦夕延請周君診治惜分陰軒醫案卷四序

方得轉危爲安此乃身受確效載入第二卷中茲第四卷醫案錄竣屬厥作序
誼不獲以不文辭蓋自束髮受書讀醫論醫雖小道必有可觀致遺恐泥君子
不爲一章朱註小道如農圃醫卜之屬不知醫雖小道關係實大以黃帝之聖
習尙親咨岐伯更相問難垂法以福後世歷代以來均設醫學一科亦以關係
國勢者大而注重之也今裘君所刊醫藥叢書第四集又將告成周君醫案亦
刊入其中所述皆實事求是極有經驗之作堪爲後學津梁凡研究醫術者誠
能家置一編以資參考小足以養生大足以濟世致遠恐泥吾知免矣功同良
相其在斯乎此後醫案續出風行海內俾我中國醫界前途日新月異良醫輩
出超亞軼歐可預卜人種之強國勢之盛也

民國十年歲次辛酉小春上澣無錫作霖氏張濟眾序於東大池增之第一校
舍

惜分陰軒醫案卷四

無錫 周鎮小農別署伯華述

男 源逢儒參校

紹興 裘慶元吉生校刊

錢味青中華輪局大少君十餘齡素體瘦弱己未午月念八診寒熱四日遍發紅痧頭額爲甚成片似癍身腹較少足厥不暄口渴少寐目紅咳嗽脈右數甚舌紅尖絳有刺溫熱挾風內襲由氣而營氣逆血沸恐其薰蒸灼喉擬鼠粘翹蟬象貝赤芍元參僵蠶薄荷梔鼓忍冬藤地丁茅蘆根另以晚蠶沙西河柳桑枝煎薰洗其足服藥後額上癍狀已化勻齊身發較多足厥略暖瘡點亦佈少寐目紅咳嗽咽中不舒脈右數舌尖絳苔浮似糜邊碎溫熱薰灼津血擬上法參入清營解毒連心翹銀花知母元參川石斛芩貝赤芍丹皮紫草辰砂拌木通生甘草茅蘆根燈草另真玳瑁參分鬱金四分川貝參分研細燈心湯服瘡有回象足脛尙發目紅已退咳嗽夜仍少寐脈數苔蛻純絳有刺營血之熱邪

甚熾津液被傷擬生津清氣涼營解毒以達蘊熱鮮沙參霍石斛鮮竹茹知母
連翹銀花綠豆衣牛蒡赤芍蘘皮鮮生地丹皮蟬衣茅葦莖另犀角末二分辰
砂一分川貝四分研末燈心湯下熱退痲酣大便自解脈靖唇舌之絳均淡惟
嗽不退擬清肅餘邪石斛生甘草銀花綠豆衣黑豆衣柿霜甜杏仁玉竹牛蒡
川貝紫苑殭蠶蟬衣茅根此紅痧血熱津潤故涼營潤津得效倘投溫燥必變
張贊卿西水關其母七十二歲庚申五月中旬患寒熱轉但熱胸痞咳嗽痰膩
苔滑汪醫謂邪痰與氣火合病與桑菊杏前薄桔蒡貝鬱蘘風化硝竹葉燈心
玉樞丹之類四方不應漸至晡後熱重神迷不清廿一日延余診述知素有肝
氣痰飲以吐爲快此次熱經旬有八日晡後熱甚昏譫自汗粘膩脘痞夙咳痰
不爽利脈左數右濡苔濁而乾按臍腹拒按作痛溫邪挾氣濕痰積交阻有胃
實之徵但古稀之外難於攻擊耳擬小陷胃湯加減取居高建瓴之義瓜蒌三
錢半夏二錢枳實一錢川連六分生薏仁三錢苦杏仁三錢金石斛五錢達我

筵三錢大腹皮二錢金沸草二錢青蒿三錢荷梗尺許用蘿蔔三兩燈心一把
煎湯代水另廣鬱金三分川貝三分伽楠香八厘風化硝三分研服廿二復診
昨夜熱沈迷已減膩汗止大便先痰濁後乾結如栗芒腸腹滿卽懸按之尙疼
咳痰白粘較爽自覺大腹熱灼脈數苔白溫邪挾痰積氣濕尙多恰交三候勢
防轉變川連七分枳實一錢杏仁三錢白蔻花六分生薏仁五錢金石斛五錢
炒紅麴三錢秦艽三錢川棟子二錢青蒿三錢佩蘭葉十片外以萊菔三兩茅
根一兩海蜇二兩地栗五枚煎代水另製雄精二分廣鬱金五分川貝一錢薑
蒲二分研末夜間燈心湯下廿四診熱發夜半勢減無煩懊昏糊等徵咳痰由
多而少由韌而黃按脘腹尙痛自覺攻動矢氣脈數苔稍微黃述知昨日曾有
微呃邪積挾痰猶盛川連七分金石斛五錢厚樸花七分瓜蒌皮三錢枳實一
錢射干二錢新會皮一錢雲苓五錢瓜瓣一兩青蒿三錢生薏米七錢枯苓二
錢建瀉葉六分代水加枇杷葉七張冬瓜肉一兩五錢另西月石二分川貝一
惜分陰計醫案

錢風化硝四分礬金三分研末沖服外治方京三稜蓬莖各錢半白芥子十四粒研水調敷腕中又炒紅麴三錢皮硝五錢木香導滯丸四錢研細加乾麴雞子白打餅清晨烘熱敷臍內布紮此未照用廿五診痰濁宿積下行甚錫夜熱頗輕脈象轉靖苔猶指濁腹猶稍痛邪積留戀濕熱依附恐尚有變生薏仁五錢紫苑二錢冬瓜子五錢瓜蒌皮三錢杏仁三錢礬金三錢枳實一錢竹茹一錢川連五分青蒿三錢雲苓三錢金石斛四錢金沸草三錢莪莖三錢另半貝丸錢半先服風化硝二分沖湯廿六改方去莪莖枳實風化硝加泡射干八分陳皮一錢枇杷葉五張其母以病勢旋衰輟藥數日猶因平時肝病每進戒烟丸復日服多數暨烟泡等又轉熱熾神糊親女不識後事齊備矣晦日又延子診熱屈四候熾而未清今晨熱熾神糊妄言口渴遍發斑疹脈數左弦苔轉灰黑溫熱挾痰內竄營絡恐其內陷厥陰而致昏痙金石斛八錢鮮沙參八錢丹皮三錢鮮生地七錢鮮薄荷七錢同打牛蒡子三錢銀花二錢萊豆衣七錢竹

茹一錢竹黃二錢石膏八分玉泉散三錢荷葉包生蛤殼一兩辰麥冬三錢
外用鮮竹葉三十片白茅根二兩冬瓜三兩萊菔二兩煎代水另萬氏牛黃清
心丸一粒犀角尖壹分川貝五分研另服荷月朔診斑疹又透且有汗達熱未
復盛痰乾轉潤脈數略緩苔煤減邊而白津液既生聲低驟亮熱邪由營絡而
洩肌表而透總期不再波瀾方有生機金石斛五錢鮮沙參六錢丹皮二錢鮮
生地六錢鮮薄荷五錢同打生白芍五錢辰麥冬三錢青蛤散七錢竹茹一錢
竹黃三錢淡芩二錢牛蒡三錢玉泉散二錢荷葉包連心翹三錢石膏蒲五分
野薔薇花一錢另真珠瑄三分犀角尖八厘川貝四分製雄二分研服初二診
斑疹尚未盡回汗略少熱未退頭暈腕覺不舒當臍按之作痛風米粥食未舒
脈數較和苔霉未盡蛻邊較白膩津液一復蘊濕痰積又見古稀難於攻動恐
再變幻益元散三錢丹皮錢半瓜蒌皮二錢杏仁三錢牛蒡一錢石斛四錢淡
芩錢半竹茹錢半竹黃一錢青蛤散七錢滁菊錢半青蒿三錢白微二錢秦艽

二錢另川貝七分製雄精二分石菖蒲一分蜜羅子五分研沖初三日診夜熱較熾則覺沈迷脈濡數無力苔煤黑又滿尚潤中脘大腹按之甚痛病經四十餘日高年正虛氣積未化卽欲達下亦屬不易姑擬緩導兼扶正以覘造化北沙參三錢金石斛六錢辰麥冬錢半生白芍四錢甜杏仁三錢青蒿梗三錢牛蒡子三錢辰滑石四錢竹茹一錢竹黃錢半鬱金瓜蒌皮各三錢枳實六分石菖蒲五分白荷花七分另川貝五分伽楠香一分保赤丹五釐風化硝四分共研另服外治用京三稜三錢莪朮三錢白芥子三錢萊菔子三錢橘皮錢半研末加白酒糟葱白頭生薑雞子白麵粉打和烘熱敷臍腹初五診前昨吐出與大解痰濁約有四筮腕間尙窒悶腹部灼然便解之痰積甚微述知中虛少運略有燥味口乾將近五侯邪數不清正虛不克支持爲慮姑再援扶正氣輕滌痰滯青鹽半夏三錢化橘紅八分雲茯苓四錢金沸草三錢杭白芍五錢生白朮三錢金石斛五錢北沙參三錢枳實一錢製香附一錢甜杏仁三錢紫苑三

錢麥羅子五錢蘿蔔一兩黃土一兩雪羹湯代水另晚服半貝丸錢半朝吞苦
麥子去殼三十五粒初六診脫部窒痛腹熱未清洩少嘔吐痰涎飲入覺腹中
虛痰濁交阻餘熱因此不徹痰滯已去者甚多而總由土衰不運無徹底澄清
之象舍半扶半消別無善法金沸草三錢杏仁霜二錢化橘紅八分雲茯苓五
錢生薑仁三錢青蒿三錢紫苑肉二錢枳實一錢白芍三錢北沙參二錢莪朮
錢半麥羅子五錢炒紅朮一錢風米湯煎藥另雞內金五分瓦楞子五分半貝
丸一錢白蔻仁二分公丁香一分研末分二服二帖後令以風米粥少食并煮
蘿蔔佐食化其餘痰餘積以保和丸一錢半貝丸一錢一日分二三次服漸以
告痊 此證張母以家境頗艱高年中餒患溫熱挾氣挾痰挾積拮据專症故俾愈耳
王倬雲子秋舫庚申桂月一日寒戰壯熱頭疼肢痠口灼煩悶脈滑數苔白伏
邪感新風由三陽而達初擬青蒿益元散奉荒晚蠶沙鬱金藿香川朴絲瓜絡
半貝薏米連皮茯苓荆子羌獨活荷葉槓玉樞丹初二診熱未退不時煩懊頭

痛減肢楚口膩咽有痰涎脈數苦白伏邪挾濕留戀恐成起伏青蒿益元散竹
茹川朴淡苓半夏蠶沙薤通薤枳薤荆秦元荷葉另鬱金末玉樞丹煩躁時服
初三診昨晡熱減大便轉澀按腹灼熱沿臍拒按作痛痰多口灼熱盛頭疼脈
數於右苔白而措伏暑挾痰滯交阻速宜節食以防變劇梔豉薤通二苓瀉蠶
高苓蠶沙滑朴用萊菔二兩煎代水另西月石鬱金雄精花楸枳實研末服初
五與溫丈明達會診伏暑挾濕痰內阻始而寒熱起伏目下但熱不寒熱起胸
腕煩悶頭暈口渴渴少顯係太陽失職氣化不宜脈形濡數帶澀舌苔根濁少
濁膜原之伏邪與痰濕交阻三焦之氣化失於疏通姑擬宣通伏邪清化痰濕
爲法但古人治暑如剝膚薪酌方請政蒿藟香桔二苓滑瀉桑菊丹皮木通花
楸茅蘆根荷葉梗另摩鬱金菖蒲枳實另沖服初六予獨診昨日服藥後熱退
未清腹部猶灼臍邊按之作痛便澀少而短氣逆作咳胸腕引痛脈形濡數
較爽苔根濁略潤伏邪挾痰積仍宜堅壁清野未可多食因邪得食助而愈果

涌耳青蒿鼓滑杏薏二苓瀉通瓜瓣桑菊竹茹荷花茅蘆根另磨藥中加枳椇
初七診昨晡寒熱起煩懊胸脘窒痛口渴咳逆痰白脈仍濡數苔指根膩白
微黃唇朱旁有熱瘡便溲澀少脘分窒痛汗少是邪濕阻遏樞機不宣昨方去
瓜瓣桑菊荷花加鬱金香香朴藁另玉樞丹薑蒲花楸末沖初八診微寒而熱
鼻灼氣逆咳嗽噎氣脘痞味甘便溲澀黃脈若如前唇朱而乾熱起其復少
痰吐不爽證似肺燥而脘痞口甘確係濕阻伏暑挾濁痰阻礙氣化未便偏於
清涼也豆卷黃皮薏杏梔茹藿通蒿滑花楸黃芩蠶沙鮮枇杷葉茅根半夏佩
蘭葉又晚延急診脘腹窒滿欲噎自朝晨暖風米三調羹始午後更甚歸後進
劑亦未已脈轉滑數自覺中脘窒阻欲便爲快按腹覺痛不能耐濁滯交阻氣
機停窒小溲甚少宜開中樞而佐通滯玉樞丹枳實枳椇鬱金薑蒲研末沖服
並與七液丹一服令倩善按摩者用手術朝夕推蕩腹部以動積去初九日診
得解黑醬色溺矢頗暢熱至夜半方輕腹灼按之猶痛口渴唇乾燥咳味甘脈
惜分陰野醫案

濡數而過苔根膩淡黃昨進風米邪得滋助竟否寒脹滿得失氣方快足資研
究呆滯氣化即養生之穀尙不能任也可類推再宗王氏苦辛芳淡法衡平酌
量外用按厚令其濁結流通豆卷梔蒿薤香不過半夏鬱芩厚皮枳榔野薑微
花枳實佩蘭枇杷葉荷梗羅藟初十日診時當濕令而客氣爲燥故熱起燥咳
氣逆脘痞腹按作痛屢解粘澹煩懊口渴味甘熱起小水又促數滴不能安寐
肺氣不展水飲不輸膀胱以致濁結爲痞外加按摩似覺通快脈濡數而滯苔
稍淡黃擬開展肺氣而逐膜原之濁宣化溫熱以分糾合之邪段梔蒿滑枳鬱
半夏瓜蒌皮板枳榔木通丹皮川連芩蘭枇杷葉菖蒲另萊菔茅根先煎附熱
悶澀少酌方行軍備涼玉樞較燥擬磨香一厘上西黃三釐辰砂八釐血珀五
分如洩竟點滴煩懊痞悶時用之十一日診熱勢較輕熱時略短小溲較長大
腹有痞阻作痛夜寐已安燥咳時作味轉苦脈苔如前伏暑濕熱薰蒸上刑則
咳阻氣則悶太陰陽明同病偏燥則肺金非宜溫清則脾濕留戀計惟自仍守

前法原方去丹皮佩蘭加二苓十二日王醫子卿診濕溫業已十有二日服診
數疾舌苔薄白而膩汗已出數次大便曾行帶溼風邪積所存無幾大致濕遏
熱伏耳本連象貝二苓卷滑鬱通枳殼青蒿梗枇杷葉溫君加板榔荷葉十三
日復延子診熱勢已和而腹部之熱猶熾胸痺亦發噤嚥不舒漫紅又解溼薄
咳嗽無痰脈濡數滯苔淡黃根甚這知院分室悶頗甚濕阻未通轉旋失常宜
兼理旁證卷蒿滑苓二苓薏苡蘖皮枳實通連金沸草連皮板鮮枇杷葉薤白
十四王醫診熱勢大衰脈象微疾頗緩胸腹尚有痞痛舌黃而淡濁膩不潔咳
聲不見吐痰此積滯留戀肺氣不得肅降也摩化橫川象貝瓜瓣辰滑石鬱金
枇杷葉枳沙麥甜杏仁淡苓通草十五王醫診熱勢日退舌苔亦化均是佳美
惟診右寸關兩脈略有微意咳多嗽少胸次還不舒適肺之氣肅胃之通令皆
未得職當以清化收拾其餘氣也南沙參粉沙參川象貝茯苓神甜苦杏枇杷
葉鬱金竹茹淡苓辰滑石通草茅根十七王診熱退七八咳減五六應可飲食

漸加餽育不愼未免再有此侃之風潮也川貝茯神淡苧石斛甜杏瓜仁麥芽
通草枳實查炭枇杷葉十九日余診熱勢已退餘邪未徹苔根色灰腹尚微灼
潤色帶黃飲食尚宜清淡防其反復竹茹甜杏蜜苕淡竹葉薏米川石斛絲瓜
絡枯薑苧野薺薇花梳米生穀芽枇杷葉露蘆根廿二日診昨因食南蝦及飯
腕中飽脹得便略舒今日自覺灼熱脈數又加腹部之熱復作餘邪得食助恐
其再起此卽食復是也豆豉枳實查炭薏通苕皮腹皮甜杏范志麴穀麥芽竹
茹蘆根萊菔爲方漸以向愈

吳克明西里庚申八月中澣感燥邪咳嗽鼻灼口燥進辛涼肅肺之劑已減越
數日寒戰身熱廿八日延診昨暮身熱嘔吐酸苦之涎甚多頭痛左甚晨起便
溲伏邪內蘊膜原中有痰涎與向之風邪殊途擬柴苧杏薏青蒿朴花二苓澤
蓄枳茹腹皮前胡另半貝丸三錢三十日間瘡發於下午一時因不知提早在
半時間進食以致邪食交阻癰發脫痞口渴熱壅陽明起坐如狂譫語神糊家

人震驚醒人速往晚診余到廉得其因令其邀顧道源按摩脘腹得暖方鬆繼加針四肢痠痛大減針舌下旁筋出紫血嘔噦亦止隨定玉樞丹二分西黃三釐花梢三分鬱金三分研服而安菊月朔診昨日之熱勢頗劇嘔疼甚多邪食交阻故有神糊妄言嗣得汗暢而退脈數苔厚膩罩灰伏邪蘊濕夾痰其資料尙盛不可早截厚朴薤仁二苓青蒿黃芩鬱茹草果知母澤瀉青陳皮連皮檳榔蘭野薷薇花初三日診間瘧昨來頗輕然熱較寒重口渴苔燥邪在陽明爲甚仍以前法出入加半夏川貝菊秋初五日診間瘧移早熱蒸濕戀苔仍膩濁便解灼熱少陽明蘊邪膜原痰濁尙重再搜剔伏邪參以化痰青蒿蠶沙佩蘭竹茹橘紅絡茯苓澤薏知苓通草秦^光朮腹皮半貝丸初七日診瘧以截止濕濁未清苔膩而灰溲少而黃再清伏邪蘊痰青蒿秦^光朮絲瓜絡一二苓薤澤紫苑車前蒼朮川朴木通黃芩橘紅絡半貝丸^九重九日診疊進清滌伏邪濕痰痰多日僅小溲一次苔膩帶灰不潤口苦喜甘^甘濕盛非燥不化且陽氣困頓膀胱氣惜分陰軒醫案